

絲

絹

全

書

士集卷之六

克士程任卿校集

一撫按會題疏文

為愚民不堪更派聚眾倡亂逼求轉申懇乞

聖明俯賜議處以定群心以安地方事萬曆五年四月三十日准戶部咨為仰体

宸衷軫恤民隱冒昧敷陳條列以裨

聖化萬一事該前巡撫宋儀望行據徽寧等處兵備副使馮叔吉公同知府蕭敏道等議得歙縣絲綸一節相沿已久遷難更變以近日條編之法惟於各項均平內在歙縣絲綸已多銀三千三百兩均平又多二千

六百有奇。比之五縣丁田約多銀五千餘兩。合於歛
縣各項均平之內共減銀三千三百兩。以足原少之
數。即行五縣於各項錢糧之內加銀三千三百兩。以
抵歛邑原多之額。則歛縣雖未減於偏累之絲絹。而
已減於歲辦之均平。五縣雖量加於可增之均平。而
實未改於百年之絲絹。特因咨部。該本部

覆議。撫按道府之所增損。無非欲平其心。以息其爭也。
但人丁絲絹六縣之所告爭者。歲徵雜派。則六縣之
所相安者。與其抽減於所安之中。而無以杜將來之
累。孰若即此抽減之數。以絕百年不絕之爭。而六縣

雜派悉仍照舊徵派。則其名尤正。其言尤順。其事尤易。而彼此之心。允服矣。合候

命下。移咨應天巡撫都察院。轉行應天巡按御史。徭行徽州府。每年徵派雜派。悉照六縣舊數。毋得增減分厘。而人丁絲絹折價銀六千一百四十五兩二錢零。即照撫按抽出三千三百兩之數。悉依分加五縣多寡數目。逐年派徵。其餘二千八百四十五兩二錢八分八厘。有零。盡派歙縣。以足額數。俱屬該府徵完。或本色。或折色。類解南京。戶部轉行送納。等因。

題奏奉

聖旨是欽此欽遵。俗咨到臣案行該道轉行該府知府徐成位申稱本府近奉發下分派休寧等五縣絲絹明文五縣之民咸抱憤恚不平。婺源居民聞署印通判徐廷竹以貴捧還府遂鳴金豎旗聚衆千餘喊吶呼譟擁逼本府求為轉申。本官權詞譬喻衆始却旗稍散。尋復將旗移豎城外號召遠近以張其勢。及散佈流言誣傳道路云欲合縱休寧等四縣與歙人相持。臣聞不勝駭異。即令行該府推官舒邦儒星馳往發本官取道休寧。人亦乘機聚衆千餘遮留本官求為轉申。而績溪祁門黟縣三處皆探聽觀望為

之羽翼。會同巡按鄭國佐出示曉諭。兵備。分去。
叙吉。知府徐成位親詣地方。令其解散。聽候。處分。去。
後。雖稱。飲戢。未盡。釋然。議照。絲綃。一節。加派。五縣。該。
部。所見。與撫。按道。府官。始議。委果。不同。既經。

題覆新奉

明旨五縣之民即宜恪遵

成命。輸納。無詞。何敢。開風。起釁。糾眾。倡亂。迫挾。官司。震。
驚。遠邇。此豈。盛世。所宜。見哉。但干碍。人眾。法難。槩施。
而事出有因。實復可指。臣等。待罪。地方。不當。獨責。之。
五縣也。蓋。徽人。負氣。好爭。每遇。小忿。輒入。大獄。捐軀。

忘家皆不暇計其習尚如此推原禍首實始於欽逆
帥嘉謨一人夫欽縣之有絲綸自

祖宗以來逾二百年矣嘉謨生事故襲為首

奏請比既得請則又以本邑津貼之費輸納冠帶妄
自誇張使合邑士民鼓樂彩仗道迎於白晝通衢以
炫耀梓里羞壓五縣以致五縣之民不勝慚憤相率
而起除臣會同巡按臣行拿帥嘉謨究問以謝五縣
之民拿五縣之倡亂者究問以正

朝廷之法紀今五縣之民尚尔洵不肯輸服其詞曰
國家有大費萬數千數其一縣甘之無故而分認他縣

之差即死。不愿也。近而難下。愚而難欺。正此謂矣。夫加派已奉。

新命。臣等既不敢輕議。而民心變動難測。臣等又不敢緘默伏乞。

勅下該部。早為議處。務使徵派妥而人心悅。禍源塞而地方安。臣等幸甚。奉。

聖旨。這事情原係該部議處。欠當以致衆心不服。激匪無因。但既奉有。

欽依。如果不便。自合聲訴。無司。或抱本陳。

奏。何透聚衆鼓譟。逼挾求申。好生悖亂。無礼。著撫按官。

照先年田額從公再議灼豁務令適宜其爲首倡亂
之人嚴行查究。盡法重處以振法紀。如干碍豪右官
族請

首拿問不許畏衆縱惡致長亂萌都察院知道

一南京禮科寺給事中彭一本

為畿郡激變事勢可危懇乞

聖明亟賜究處以彰法紀以靖地方事臣寺待罪留垣恭
覲

皇上御極以來明良交泰中外肅清北則虜酋輸款服之
誠南則徭倭成蕩平之績治化之隆未有過於今日
也徽州為畿輔近郡而預有頑悍之徒挾仇構黨以
貽

聖世之累者乎臣寺未嘗目擊其事姑以其得於聞者為
我

皇上陳之歛縣絲絹之銀其稅額蓋啟自

國初也。廼歛人帥嘉謨等以偏累為詞與

奏分派休寧婺源祁門黟縣績溪先經撫按查處復經
戶部更議奉有

欽依矣。五邑之人恨歛之損人利己久懷憤而思逞也。
近見帥嘉謨因勝而濫冒冠帶盛張鼓吹欲以誣耀
鄉閭蓋壓鄰邑無本府知府派徵遂迹乘機騷動適
推官舒和儒往婺源署印道經休寧婺源之人號召諸
邑遮道鼓譟將門吏肆行歐辱迨知府徐成位聞變
親至休城聚者已盈數萬鳴金約黨豎旗結盟撲求

申豁於時道路禁祖文移隔絕卽今該府一申一揭
衆以索賧之而始發焉其隆馮叔吉奔馳各縣諭而
賊之許其轉呈

題奏不致加冰方稍就解散而氣尤未平據傳其書之
旗江者有云以戶部操戶權以歛人行歛事蓋指戶
部尚書殷再茂言也平時人情向背幾欲掘其墳堂
毀其廬舍而後足然洩其怨在時聞之不勝駭異竊
謂地方弗靜紀綱風俗之所關自安慶軍變事竣
明旨屢申科憲典具在宜乎人知自警也今爲歲幾何而
隣封如徵郡復踵而效之其紀綱之廢弛風俗之淳

惡可察矣。豈清明盛世之所宜有哉。夫五縣絲絹之派特三千餘金耳。取之未必有壑衆之火害輸之遠足爲好善之良民。果情不能堪。尚當據理申訴。聽候處分。乃至遲不執之謀而抗違。

敕命倡激變之說。以狹制官司。此首事煽禍之介。所當懲也。卽加譴等。徒知分派之爲利。而思

國法之當違。始以科歛存心。而率先

奏聞。已爲聲罪之地。繼因得勝肆志。而挾勢凌壓。遂爲連禍之機。此造謀生事之奸。所當併懲者也。况微俗尚氣。自古稱之。若不亟爲處分。誠恐來構成風。不勝

不止其勢大有可危者伏望

皇上軫念畿輔重地關係匪輕

敕下都察院轉行撫按將五縣首惡及帥加護并嚴拿究

問明正典刑用警厥衆斯

國法以昭奸萌自息矣再照戶部尚書殷正茂議法有

愧於公平更張復燬於太驟雖令由

欽定未始有專擅之情事屬鄉邦不免有可疑之迹激

成囂聚之亂重為地方之憂被惡得無過哉尤乞

宸斷量加罰治薄示徇私之戒亟安反側之心則正茂得

以少解於鄉評而在

皇上亦不失為保全大臣之道矣。至於綵綉銀兩應否派
加五縣或通復為酌處仍祈

大謫責成撫按通行司府各官從公會議務俾人心允服
國稅不虧更

奏請定奪毋得依違以杜弊端庶地方永保無虞之虞
而

國家不致新有道之盛乎臣等以其亦起有因固敢隱
默冒昧上陳惟

聖明垂鑒焉

8

一南京湖廣寺道御史唐一本

為地方擁衆譟聚、變出異常懇乞

聖明速為究處、以安人心、以正法紀、事臣等待罪南臺、於九事之干係地方者、一有所聞、不敢不為

呈上陳之、訪得南直隸徽州府為加派絲絹、人心騷動、遠通判徐廷竹、署婺源縣印、以貴捧還府、該縣聚民數千、擁逼本官、求為轉申、停止加派銀兩、本官權詞譬喻、遣後、該府推官舒邦儒、承撫按差往婺源公事、經過休寧、民人擁聚遮道、歐辱吏書、問役鳴鑼訪謀、挾令申請、比舒推官極力應承、聚衆稍散、已得脫身

至婺源及婺源縣民人遮諫求申又乘勢奔走休寧
縣招集各縣將欲甘心于歙縣見任尚書殷正茂家
比徽州府知府徐成位驚駭即便驅馳至休寧百姓
擁衆數千逼令轉申即一票一揭必經休民人驗而
後發豎旗號召上大書以戶部操戶權以歙人行歙
事一時道路俱爲阻塞及徽寧兵備道副使馮叔告
趨趕前來遍歷五縣牌榜諭後方漸戢安五縣之民
口稱欲焚殷尚書房屋并掘其墓以洩其忿方肯歛
迹退避臣等聞之不勝駭異切照

國家之稅民也自

仁宗以來莫不有平安之額。百姓循額而輸之官。是以心
志一風俗同。中之人相安於無事。而地方守土之官
亦得以令行禁止。以戢其人民。此上下之所以相安
而不至有意外之虞也。乃今歙縣以絲絹之偏累。集
奏。派分休寧等五縣。該撫按衙門查議。已經戶部

覆題奉

明旨遵行矣。

綸音一布。即係

成命。宜五縣之民。順從之。恐後也。何百姓噓然四起。
一呼成群。即至數萬。通知府通判推官。惶惧無措。憑所

欲爲而莫敢誰何。其關係誠非小也。值
皇上明法勅紀風行草偃之秋。而徵入素稱衣冠禮義之
邦。忽有此不測之事。不亦可駭之甚哉。臣等竊以
民心至愚而亦不可欺。順之則安。拂之則擾。大都然
也。若絲綃之稅。歛縣獨有。而休等五縣獨無。

國初之法。大公至正。豈有厚薄于其間哉。則壞成賦。隨
地起例。在一省則有一省之例。在一府則有一府之
例。在一縣則有一縣之例。催徵由于有司。版藉藏于
天府。經今二百年矣。徵郡太邑之民。子孫相承。咸爲惟
正之供。俱各守成。數向未固。帖然安也。今一旦欲以

執縣年原籍而欲至五縣之民莫不以與

奏者執縣之民也 民題而請

旨旆狩者尚書腹亟無逃時脫身本款人而為本縣
請減五千有案之錄五縣無故而頃加三千有案之稅
豈能忍隱而求樂輸服也哉然民

奏一時不能上通非籍亦司之轉申則不得達于撫按
非聚逼乎有司則求其申而不可得非以攻敗氏也
名則衆心不肯然而獨應此所以倉卒號呼百姓
雲集藉詞情尚嘉殷年茂擁逼府官必得

請而後隨夫以至千之銀分派五邑之衆所增無幾也

胡乃敢鳴金立幟自干法紀不惜身命勢之所激然也今有區處煽成大禍豈不負我

皇上愛養元之意哉伏乞

敕下該部將縣緝一節虛心議處務不失舊

制以安人心仍行撫按衙門查勘聚眾首事之人摘法

處治庶儆人威戴

皇上生全之恩矣臣奉

命巡視江蘇據該府呈報相同并望

皇上留神詳察奉

聖旨已有旨該部察院知道

一北京戶科都給事中店一本

為愚民不服更派聚衆逼官懇乞

聖明俯賜乾斷以正法紀以絕弊端事臣等於本月二十
一日接得應天巡撫胡執禮揭帖與本同不再開抄
騰巡按鄭四仕亦揭同前事等因到臣等聞之不勝
驚訝為照賦役之法取彼與此固俯順民情而裒多
益寡自當仰遵

新命五縣之民既以縣綰為飲縣原有各縣原無一旦更
派輿情不堪只合哀詞苦告懇乞本處撫按代為
題請可也乃敢鳴金暨旗糾衆倡亂欲令縱與衆人相

持惟知認係猶為五縣之羞死罪不納罔思
朝廷允該部之議民何敢違構怨瞋對以對

上命似此刁悍豈容清平之世宜行撫按將倡謀之人嚴
拿重治以正法紀也但徽人負氣好爭出于風聲氣
習分派係猶既不肯輸而為民動搖所當急為處分
即撫按之謂事出有因實蹟可指不當獨責之五縣
則前日該部之所議改均平為係猶有云欲以杜後
日不絕之爭而不知係猶派各縣實以啟今日莫大
之憂則撫按道府所謂係猶一說相沿已久遷難更
變即今各項均平可以增損者未嘗無所見也伏乞

皇上俯賜乾斷按以

國法酌乎人情

敕下該部轉行撫按以遵施行廢絕法以正而爭端永息

地方幸甚

兵部尚書殷 自陳本

為事公迹私致招物議乞

賜罷斥以謝人言事徽州府人丁絲絹載在

大明會典歷年會計部檄巡撫轉行徽州府人
丁絲絹府檄歙縣則云歙縣夏稅絲及徵完徵解則
云徽州府人丁絲絹府與縣既不同絹與絲又不
同是以歙人獨累告爭百數十年以至于今萬曆三
年歙人帥加謨林葵入程文昌等訴

奏本部咨行應天府巡撫勘報得于四年六月二十
三日到任以後又該戶科條陳及江子賢等再

奏臣亦議票咨行應天巡撫勘報今年三月內該巡撫
都御史宋儀望回咨到部內開歙縣除絲絹外仍筭
比五縣多銀五千六百餘兩合于歙縣各項均平銀
減去三千三百兩則歙縣未減于徧累之絲絹而已
減于歲辦之均平五縣雖量加于可增之均平而實
未改于百年之絲絹等因該部看詳

會典派徵人丁絲絹止順天各府併徽州六府查實徵
文冊俱派各州縣獨徽州一府盡徵歙縣是以人丁
絲絹六邑之所告爭者均平雖派六縣之所相安者
與其抽減于所安之中而無以杜將來之累誠若即

此抽減悉數移為綵絹以絕百年不絕之策則其名
尤正其言尤順其事尤易因議五縣每丁徵銀二分
九厘零與前三年具有之數不加分毫歛縣每丁徵
銀四分而米縣各項均平照舊多寡派徵於西月初
五日具以題初五日奉

聖旨是欽此欽遵咨行應天巡撫衙門及咨都察院轉
劉應天巡按衙門去後奉該南京給事中彭應時等
御史唐裔等

奏為畿輔激變迭次事於申論臣前議輩屬鄉邦不免
有可疑之迹所以激成嘯聚之亂者惡得無罪乞

賜量加罰治弄

勅諭戶等因功恩均平賦役臣職也務絕將來爭端臣
之心也里巷親隣呼號徧累雖欲避之而不可得臣
之責也慙直寡謀計是非不計利害事雖確守

典章跡有似私于欽者臣之罪也至于激成嘯聚一節
衣冠文物益區古今未有之事况通計公私丁口一
年一年不滿一分遂有擁衆逼撲至於如此在地方
小民所必無有者其中必有盡美愚民搖動視靜以
希賜後番異

欽依者非愚民等過亦非臣之過也俾臣年衰力倦昏

迷日甚萬一自今以後部務之顛倒錯亂尤有甚于此
事者則臣雖萬死其將何贖伏乞

聖明垂察實切哀賜怜臣衰邁顛倒特

賜放歸田里臣得自甘林泉退避賢路守素力田行歌
擊壤不勝感戴奉

聖旨這事情已有旨了卿宜安心供職不准辭吏部知道

一委官會登公文

兵備副使馮以爲愚民不堪更派聚衆倡亂追求轉
申禁事本第閏八月務三任奉以都院胡以案驗准
都察院咨前事據刑科抄出應吳撫院胡以接院即
附各具題前軍

奏率

聖旨違事情該部議處各當示都察院知道欽此欽遵
俗咨到院准此案照已經本院會同按院具

題去後各准前因爲將案仰本道即選委隔府正佐官
數員會同該府并各縣掌印官將歙縣人下縣緝送

公酌議先之舊額叅之近議酌之輿情務為畫一之
規毋持兩可必憑覆議其為首倡亂者要見其人造
何言詞有何事跡毋聚及脅泛務將渠魁盡數緝拿
據實招解以憑復審如干碍豪右官官一併追究應
拘提者即便拘提應奏

請者具由呈報以憑請

旨拿問此限完銷事理毋得遲違等因奉此案照先奉
撫按二院憲牌同前事已經脩行該府及行委池州
府王知府太平府龍同知寧池二府史推官吳推官
會議共濟會轅前因理合就行為此仰府掌印官查

照先今事理即便轉行各委官孫六縣掌印官將欽
縣緝捕事情即日約會從公酌議。查一明白具由詳
報以憑核奪。其為首倡亂者嚴行拿究的確招解如
干碍豪右官宦一并追究應拘提者即便拘提應奏
請者作速具由呈報。此係立限完銷事理毋得遲違未
便

萬曆五年閏八月 日

一歛民衆誣傳亂告詞

乞軫念民艱主持國是以豁偏累以還亂萌事人丁
絲絹額定徽州府部文會典歷可查祇因五邑
積書據府戶房獎累歛縣獨納本縣民人王相寺卽
年奏告案存至隆慶四年萬曆三年帥嘉謀復行
具奏差過戶科光爺條陳特疏歛縣偏累之苦部
題奉

旨從平咨行院道委官查算每年本府偏累歛縣多納絲
絹雜派銀八千八百二十兩有零蒙撫院宋爺明
文開定均平該派五縣銀五千二百五十二兩零以

補欽縣偏軍練銷之數牌行 兵道馮爺轉委太平
府龍爺劉爺寧國府史爺本府舒爺復議乃止抽銀
三千三百兩攤派五縣申覆戶部本部以避欽人之
嫌不肯復照前數均豁即以所抽之數抵作練銷正
名杜爭覆奉

欽依轉行遵派敷民維少蘇息微賦尚未均平

明令蘇嚴執數踰越冀盡二三豪右墜地主盟卽年科
欽射利既多即今阻撓不遂在發源則創謀首集休
寧則出令興兵聚衆圍札擄明公為質亂執詞凌抗
運卽彰彰明係犯特出同格拒

以命致蒙撫按科道老爺據文敷奏奉

旨從公再議均豁及重議倡亂首事之人思得坐派舊額

國初部劄迄今未改俱云徽州府人丁絲絹載在

會典可徵及府符縣則改為額徵夏稅絲獨徵歙縣徵
完解府亦去歙縣夏稅絲及府解部仍改徽州府人
丁絲絹此其更改絲移之弊則歙縣連年卷案可考
同例人丁絲絹俱于各州縣均徵則順天時以府事
例可做五縣徒知聚斂未為便周思宿弊之當更蓋
宿弊不更則賦役不平賦役不平則此奏告不已非
謂五縣可安于承襲而歙人獨樂于告爭亦非謂歙

人相安於昔年而帥加譟獨滋奏於今日乃亂苗蒙
右未盡抵法而加譟欲加去罪何患無繇是徒縱法
於違法之亂民而欲行法于守法之良民愚民無知
鮮不驅良為亂紀綱何由而振法度何由而明若謂
一二豪右倡謀脅衆即可反異

欽休誠恐四海之內皆可效尤非止一府一事而已欽
縣之民守法奉公固不忍言欽縣之差不均不平亦
不足惜而

國是勸提 朝綱大壞其咎將誰執哉伏乞遵

聖庇民彰善舉惡均平賦稅振肅紀綱庶徧累得以少舒

而爭端永息矣上告

萬曆五年八月

日江昉寺

一歛縣生員呈詞

呈乞懇查舊章主持

國是以豁偏累以遏亂萌事緣緝舊額稽之會典部
檄並載徽州一府原因本府戶書盡是五縣奸刁始
愚借納輒弊久輸以致累、奏告幸蒙戶科條陳
特疏偏賦之苦憫借之弊部題奉

旨爬平咨行院道委官查算每年本縣偏累多納緣緝雜
派銀八千八百二市兩零蒙撫院宋老夫人明文批

開均平共該派五縣銀五千二百五十六兩零以補
歙縣偏累絲絹之數牌行兵道委官復議乃于均平
內抽銀三千三百兩攤派五縣申覆戶部本部以避
歙人之嫌不肯復照前數均豁即以所抽均平之數
抵作絲絹正名杜爭覆奉

欽依轉行遵派歙民雖少甦息徵賦尚未均平

明令森嚴孰敢踰越豈意一二豪右坐地主盟節年科
歙既多即今阻撓不遂在婺源則倡謀首募在休寧
則出令興兵聚衆圍扎衙門公為潰亂執詞凌挾申
請逆節越彰明係把持上司格拒

明命致蒙 院通據文敷 奏奉

旨查先年坐派舊額從公再議均豁及重議倡謀首事之人惡得坐派舊額自有 典章五縣豪右揭以民憤黃冊遵焉

祖制誣歛變亂不思

國初欽民先被苛婢獎美輸納絲絹賦既如是徵輸冊必如是措造此自下達上之書可因可革措自民間未可稱焉

祖制必若部檄徵取劉文芝自

聖祖自出令下載之 會典經久不磨乃可指為舊章五

望丘縣積書雖能却移遞掩我府縣徵取之間而舊章正
以會典部檄迄今未更及查府縣近年卷案做之各府各
項亦有上下更改之科否又倣順天等八府同例人
丁絲絹可有獨七縣之例否五邑徒知承襲之為便
因思宿弊之當更蓋宿弊不更則賦役不平賦役不
平則 奏告不已故歛縣弊累絲絹以來二百餘年
而呂宗遠等 奏告至今亦百有數十年矣非謂五
縣可安于承襲而歛今獨樂章告爭亦非謂歛人相
安于昔年而嘉謨獨 奏于今日乃今亂首豪若未
以盡抵法而帥嘉謨欲加之罪何患無詞是違法之亂

民得以倖免而守法之良民坐陷誣牽若謂一二豪
宦倡謀脅衆即可反異

欽依誠恐四海之內皆可效尤非止一府一事而已歟
縣之民守法奉公固不忍言歛縣之差不均不平亦
不足惜而

國是易操 朝綱大壞未必不由是以基之也伏乞遵
主庇民彰善癉惡均平賦役振肅紀綱庶偏累少舒爭端
永息矣為此上呈

萬曆五年閏八月十三日生員宋子榮 安邦

汪懋功

一奉兵道牌拿為首告訴之人

為愚民不堪更派寺事照奉 撫按二院 題奉

明旨行道轉委該府掌印官會同池州等府王知府等官
將所 奏緣納事情會議處分併及拿休發等縣倡
亂為首惡犯從重究解去後今據休發等五縣民程
文昌胡敏仕程德用胡國用程伯選具狀赴道呈告
隨審各犯俱係替身責發寧國府監候外為照各縣
首事人犯奉

旨嚴究本道懇請 兩院止拘六七人監候本欲為合郡
造福今程文昌等尚敢公然飲財招聚赴告明係蔑

上欺肆其為倡衆首惡何疑相應嚴行拿究為此仰
府官吏即便密切嚴拿前項首惡程文鼎等各正身
到官限文到三日內速差人役押解赴道以憑究問
施行如過三日定將各承行吏領拿各掌印官叅究
如係官豪黨庇亦即據實申報以憑請

旨施行

萬曆五年閏八月

日

一本府申解公文

直隸徽州府為愚民不堪更派等事抄蒙兵道馮
憲牌內開先執休婺等五縣程大昌等赴告緣綰審
係替身已經責監行府嚴拿正身去後未報仰府查
將原提首惡程文昌胡敏仕程伯湜程德用胡國用
正身限文到即日解道如係宦豪黨庇亦即具由呈
報以憑請

旨施行再過三日定將該吏提究各掌印官叅究等因蒙
此案照先蒙本道憲牌已經牌行休等五縣密拿各
正身去後續執休婺三縣申解正犯程文昌程德用

到府又據黠縣申稱查得胡敏仕係是戶頭名目績溪縣申稱胡國用聚邑排集之首俱稱二犯已經身故照解本犯家屬胡龍績解本犯次男胡文烈到府又催據祁門縣申稱程伯湜素行公正人所推重本縣因奉到改派綵綰明文愚民各驚惶隨着令伯湜等通行曉諭民即解散此本道府按臨親見實為守法良民伏乞開豁等情及將犯人程伯湜申解到府據此擬合類解為此除將該犯差人管解赴道告投外今將前項緣由合行牒呈伏乞照職施行

萬曆五年閏八月二十二日

一兵道出巡告示

兵備副使馮 示照得本道前月之行以合郡生靈
為重故從解息今日之行以

朝廷法紀為重合用重典但恐不知而輕犯宜先遣牌
傳諭為此仰府縣掌印官嚴示城市鄉村居民各安
生理其絲綃一事奉有

明旨惟在均豁得宜並聽各官會議 兩院具

題非下民所得干與如有再以絲綃為名於 院道經
臨之日集眾跪告及刁棍訛言煽惑者謀出鄉宦定
行請

昔生監徃行拿問軍民尽行緝究各治以倡乱不分首從
之罪掌印官叅究諸毋違犯等因蒙此擬合就行為
此仰縣官吏即便出給大字告示傳諭城市鄉村士
民務要各守法紀靜聽處分即今院道臨府敢有
仍前假以赴訴為名邀率鄉愚伏撻道傍及執狀跪
門自干憲法本府斷不能為爾隱護定以倡乱不分
首從一体治罪决不姑息

萬曆五年閏八月 日

一查豪右牌面

兵備副使馮 為愚民不堪更派寺事奉

督撫都院胡 憲牌前事已經案行該道督官勘究
去後日久未據回報為照緣緒原派一刻可查為首
倡亂者已報獲名數今不具詳想惧于豪右官族之
人耳

明旨蘇戩耳目難掩豈容推延隱護自壞法紀相應嚴催
為此仰道轉行各委官務必多調止明開三款緣緒
原派若干數條何處分為首倡亂若干名引何律例
豪右官族若干名鼎應請

旨令開其應修令開要以達

明旨排深議正紀綱治橫亂為事限三日回報毋得領忌
遲延等因奉此為照○覆議緣納招解首應本道屢
置不報今

抚院督臨尚爾推延將誰諉耶為此牌仰徽州府先
集各縣正官將憲牌

覆議轉詳毋得推延隱護致取叅究不便

萬曆五年閏八月

日

朱牌

為憑民家堪要亦寺堂奉

下以無院胡應德牌照得徽州府經綸一節處分不難
明旨所重者聚右宦族也前將首事數人拿問其餘出示
免究者蓋猶非此族耳衣冠之類不可不懲已經催
行該道轉行各委官分別詳報禁人請

旨拿問某入徑自拿問去後今越三日未據回覆事干特
批何為庇護察法如此相應爰催為此牌仰本道并
限各委官三日勸諭詳報並將聚右宦族姓名開具
揭帖本處察請

旨或徑拿以憑會

題如各委官庇護廢法擅違據犯軍報以憑察究等因
奉此案院勘經行府及催各委官速會勘究去後延
久未報但事奉立限回

奏委雖經發令照前因相應查催為此仰府掌印官查
照先令事理作流勘議詳呈先將豪右官族官名開
具揭帖依限三月內呈道或請

旨或徑拿以憑併招具 院會

題各委官毋得再違等因

萬曆五年閏八月十八日

又拿究生員憲牌

欽差撫院胡 為督撫地方事照得該府休婺二縣為緣
緝事擁衆挾申本院行府已將首事數人拏問其餘
出亦免究者蓋指小民言耳衣冠之類不可不懲所
據揭開倡亂生員吳大江等六名通應拿問為此牌
仰本府掌印官即將各犯查照單開實跡按法究問
限三日內具招連人解 院毋得回護延遲未便

吳大江 葉挺 葉文炳

程任卿 何似 程文烈

萬曆五年閏八月二十四日

一按院拿究生員憲牌

按院鄭 為愚民不堪更派寺事案照已行兵備道
密訪休婺時縣原為緣緝倡亂為首之人去後今據
呈報生員程狂卿吳大江寺姓名并開為首事跡前
來擬合提究為此牌仰行府即拿各犯嚴審明白一
併具招呈詳以憑具
題施行毋得遲違未便

萬曆五年閏八月 日

供狀久注時事亦不尋歲直隸徽州府婺源縣匠籍
狀供有歛縣在官帥私與縣解并休寧縣在官程
文昌等為因緣納事情託告未結于萬曆三年間帥
始謀明知一虎棍徒將不干因事情捏寫本詞虛言
奏告恐嚇得財計賊滿貫者發邊衛充軍事例就不合
擬違衆機要得騙財毀向衆人解說向告緣納未得
分派利為後累衆人可出銀幣貼我姓京

奏本等語因而收受歛縣人民銀兩若干人已具本赴
奏後程文昌明領帥縣曉諭犯前例亦不計假以

奏俱奉

初五日 題奉

案內開仰府照案備奉

欽依事理即行酌屬各縣將人丁綵絹折價銀六千一

百四十五兩三錢零照部票抽出三千三百之數悉
依分加五縣連年派徵其餘二千八百四十五兩三
錢零尽撥歙縣俱屬該府徵完等因到府隨蒙照數
通行六縣及示出曉諭去後各縣人民因新行加派
一時驚駭鄉村里排要得申訴遠近聚集欲赴官司
辯理時要得乘機幸託就要同本縣俱在官張昌即
張蒼陳憲光金伯椿即金伯斌程記王慶恃倚平素
刁潑無藉各不合倡言係循原係歙縣办納年久今
被帥加誤

奏請一旦攤派各縣聚眾喧嘩脅求申豁等語遍傳鄉

鎮以致愚民聽惑聚集喧鬧時又不合為首豎旗街市妄稱激變本縣在官生員程任卿亦要來索騙財明知一凡私自串結將不干已事情聲言恐嚇得財滿貫者發邊衛充軍事例亦不合故違就占本縣紫陽書院立作議事局對眾頭揚願自出身主管局事支用銀兩因而科歛該縣人民銀兩入已當蒙掌縣事通判徐 出示曉諭問眾稍退聽本官應當費 俸離縣回府起程隨蒙本府遣示行縣禁諭去後比時將旗移豎城外猶復聚眾規望續帥加譏思得緣綃離派各縣亦不合邀為已功將前科銀置買冠帶

在途指稱營烟官賊僭輟識人等預備鼓樂彩旗
導迎面家諄躍外縣以致各縣人民聞知愈加忿怒
時同張蒼陳軍亮金伯緒程訢王慶益誘鄉民在縣
鼓譟有休寧縣屬民聞風效尤亦行糾衆告理本年
六月二十一日遇蒙本府舒推官接管婺源縣事道
徑休寧有該縣俱在官民程贈鴻法十保生員吳永
江葉挺亦倚平素熟涉各不合爲首是吳大江假寓
本縣誅票拘喚各鄉人民到縣聚集程時鳴汪十保
吳大江葉挺用言鼓衆當先倡領遮道喊告阻留推
官舒公往休寧過求轉申分給本縣亦行禁諭程

時鳴等倚衆不散，蒙推官舒公備持心，不肯服。請乞議，嚴等情，緣由通行申呈。去後，本官方得離縣。前縣發源署事休寧縣有在官蘇容，亦要游衆，機騙財不。合故遣任卿所犯前例，倡言前往發源，聚集衆欲要費用。因而糾勸彼縣外民銀兩在身，棄挺又不合。邀今在官生員蕭文炳，以不合俸聽，幫同蘇容科收用銀。除花費外，蘇容棄文炳又不合分受銀。入已程任卿亦將前銀銀陸續支使外，仍銀又不合自行侵剋。有生員程文烈，今在官因見程任卿官局得利，欲要奪掌。無由長行，捏稱欽民將銀七面西托不在官。

署平程鳳迺送本縣虞縣丞史程德煥及營局程
任卿誅納縲鎖飛語傳揚城市以致鄉衆忿怒時與
張蒼陳憲先登伯梧程記主廉各明知以寇因事聚
衆將本營營校村及華元在外亦得插旗上稱
奏新直人衙門挾制官吏示半已事情主使之人心
期非屬有罪者俱發外至民事則各不合故違堅
旗鳴金率衆擁入縣堂將程德煥細打有不在官老
太朱鑑門子真得在彼勸救亦被亂打時等又進虞
縣丞衙內強將本官歐辱張蒼手執尖刀乙把架向
穎邊旁步行至局內放行放回程大烈因得進身營

局文不合復行科受衆銀入已陳憲光誠恐本縣申
揭倡亂宵旰事情又不合唆同惡少過縣申發申太
邀截擅行拆看阻滯鋪迎隨蒙推官舒將邑民鼓
譟乞求處分董情備由申呈院道及申報本府見
得休婺二縣人民爲因緣紛擾亂隨備緣由申呈
院道及又節行遣牌給示禁諭去後續蒙兵備老爺
馮遣牌按臨休寧蒙本府因愚民集衆告擾先往
安輯程時鳴與汪力保吳太江葉挺各明知時等所
行以外爲民前創各又不合故違復行聚集鄉村愚
民城市棍徒執旗喧嘩程時鳴又不合將木梯搭上

縣首屏牆獨法原給告示嚴懲在家復廟鄉愚聚集
公寓赴訴求理仍于門外呐喊鼓噪求其必聽蒙府
分遣以老傳諭及令本縣差落墮排驅回鄉民鳴等
方始退飲隨蒙兵備老爺馮親臨督同本府嚴加
禁諭衆方各歸生理後蒙本府仰由申呈
撫按本院會議題

請去後本年七月初五奉 巡撫都老爺胡 詳批人
丁綏綰推派五縣事經部 覆奉有

明旨孰敢不遵行即謂創加之日人稍疑難具訴 兩院
可也陳 奏

開廷可也何得聚衆擁縣輒爲鼓譟果有之未及戒已之
是先已陷身大罪矣本院觀此申文不勝驚異即欲
拿究以正法紀但念人衆且屬無知仰府督同各縣
掌印官諭之以加派事小抗拒罪大之意各守分義
勿貶身家攤派一節應自五年起本院會同

按院及該道有司官另爲詳議批文到日如仍敢有
一縣一人倡亂者該府扭鎖解院先以軍法細打然
後遣問決不姑息此繳蒙府轉行各縣間又蒙
巡按老爺鄭憲示到府以蒙行縣張掛曉諭訖時
縣容舍仍不悛改在縣假寫無名虛報捏稱款賊萬

餘擄去休寧陳知縣圍住與道恐有不測等情得述
壯浙閩廣等處衙門以致各省驚疑移文探聽隨蒙
本道憲牌行府按查報奸民聞比汪十係亦又不
合不違禁詔集舉張以執持器械在于縣市場兵隨
索本縣陳知縣嚴拿究治方行散訖續蒙兵備老爺
馮憲牌抄發撫按憲牌仰府密拿奸民紳嘉誤
監候先具拿監日期呈報又蒙本道憲牌抄發
撫院按院憲牌仰府密拿倡首汪時陳憲光程時鳴
等蒙府通行欽休婺源縣密拿去後續據婺源縣申
解汪時與陳憲光等休寧申解程時鳴等歙縣申解

陳嘉謨到府遵具發監日期繳報訖又蒙憲牌內
開即將拿監依發二縣為首各犯并即嘉謨審究正
身從公勘問明白議擬的確招由連人解道等因隨
蒙 府主諭：臺前吊取時與程時鳴等到官再三
研審前情是的覆蒙參看得汪時張蒼陳憲光金伯
梧程記王慶程時鳴吳大江葉挺汪十保此十人者
主謀造意煽惑民揚旗鳴金輟耕罷市擁集公庭
挾官毆吏或窩辱縣佐或妄捏飛報或把持衙門或
阻絕舖迎或假稟集眾或玩弄兇器乘機幸甚已有
犯上之心恣肆不道實多悖逆之罪在汪時宜坐厓

名文之弊在張蒼等宜通口外為民之制至于程氏
卿經大程文呂蘇容師加該葉文炳與六人者或
主持出納或潛謀傾奪或以招集而騙財或以陳
奏而飲取各有入已之賊宜從違戎之例葉文炳得財
未多姑行擬從廉首從有別輕重無枉矣其錄銷另
議詳奪今具各犯招由呈詳施行

萬曆五年九月 日呈兵道

一按院再議均平訪察右憲牌

兵道馮為愚民不堪更派苛事十月十一日蒙
按院鄭憲牌照得徽州府絲綸一節已行該道司
府會同六縣掌印官會議去後今聞該府所議畧有
成說但事体重大不厭詳慎茲當審決各府州掌印
官及佐貳理刑官畢集理合再議行道即行各府會
集多官從公復議夫絲綸盡歸歙縣是矣然既奉
欽依加派五縣今一聞倡亂輒已之得無辜歙人之望
長五縣之惡乎府派歲辦扣笑均平是矣未審合六
縣而通笑均平乎抑歙縣與五縣各笑均平乎如各

縣筭均平則歛人之多者依舊偏重而五縣之少者
依舊偏輕惡在其為均平也如通筭均平則歛民之
多者必加于五縣而五縣之少者必增代夫歛人是
亦朝三暮四明無暗有之說也何以服朝野之人心
哉

明旨欲重治倡亂首惡此防微杜漸遠慮也今所拿治者
特耿々么麼耳豪右宦族雖屢行道追究無所得
將何以答

明旨也各管一一殫心長計議處停安務要遵
明旨符典章合時宜衆群心協公論毋得草以圖塞責

限五日內具由回報等因蒙此照案先令卽行該府
并各委官查議去後據府縣會議以絲綸歸歙縣以
均平歸六邑其論公其情協矣但事干覆

題謀湏會同為此仰府徐知府會同寧池太安府各掌
印官及原委各官詳議歸一限五日內具由詳奪以
憑轉達施行

萬曆五年十一月 日

一徐太爺復請改議均平申文

徽州府為愚民不堪更汰等事抄蒙兵道馮 憲牌
承 都院胡 憲牌前事仰府掌印官即便會同原
委各官暨欵寺六縣掌印官將所議條綑除會計錢
糧外均費均徑丁田等項清查會議的確使六邑官
民輸服群論歸一緣由呈道以憑 憲議定奪施行
等因隨該職等會議得

國家制賦以黃冊為典要民間輸納以實徵為規則今
查先年舊額則欵縣之絲綑載在黃冊即無以問其
迄來而二百餘年徵納有常其為欵之額辦不得言

矣但歛除絲絹外挾該縣自計各項雜差尚多五邑
二千三百有零且附郭之邑額外之取又十倍于外
縣所稱偏累之苦誠亦有之但歛人以額外之累而
顧欲減其本有之絲絹此五邑之所以不甘五邑因
其本無之絲絹而并欲利其獨少之均平此歛人之
所以有詞今若求其彼此均豁大小適宜合無將雜
項差徭通行議處蓋

制額定千

國初非民間所得私議而差徭則與時盈縮此

撫按所當均平今歛人既已稱向隅之泣而五邑

民又謂本邑均徭視由畝起稅大畧相等其畝之多
二千三百者止據畝人之自言而五邑原未會計今
愿通行知曉以永寧山倘清查果明即認服無辭此
蓋士民之公心亦均平之政體也查寧國太平安
慶等府俱已將各項差徭盡行纂明刊成書冊永為
條編惟本府尚未清理書冊未定無論畝邑果否偏
累即五縣之中往往多稱不平則均徭者乃一郡之
利非獨一邑之利故職等議以為縣始一項畝所本
有當仍遵于畝以復舊額其雜派一節委宜均平合
無俯從民便將畝等五縣通計其差徭之數而酌量

于彼此之間照糧起科因丁為則而不辨其田土腴瘠較其民之貧富劑量大小以為量約依其舊則稍為增損務使輕重有等多寡適均如使輕重相稱則歛縣宜仍舊額輸納如果多寡相懸則五邑宜量為裒益斯在歛人不得以偏累藉口在五邑不得以代賊為詞是豈惟微公乎出于民心一時之染從而賦役成冊實為地方百世之外利矣錄係誤謄事理未敢擅便經合具由申稟察核

上裁

萬曆四十六年九月十五日具奏

一徽寧池太安等府回呈

為愚民不堪更派等事遵奉 憲牌前去會同各府
官復勘得部派稅糧以版籍為

制額係指在部派之內故五邑所必爭其爭者以為
祖制不可改也府派歲辦以時宜為盈縮均平在府派之
內故五邑所不爭其不爭者以為宜均故無詞也查
得各府見行條編事例以部派歲徵自為一則以府
派歲辦又為一則今該府議以係指復歸欽邑則
制額不改在五邑已豁其所當豁以歲辦均平歸六邑
則偏累自無在欽縣已平其所不平是在該府酌其

繁簡量其肥瘠通融均糺多寡適宜委予見行條編
事例相合且與戶科原題條議亦符輿情允乎公論
盡協至于為首倡亂之人原係無知愚民一時聚集
該府既查無聚右宦族則即以是者在者從重懲之亦
足以肅典章而正法紀矣緣係查議事理合行生
乞施行

萬曆五年十二月

日申

一徐大爺改議均平申文

為愚民不堪更派寺事據各府官會議回呈云蒙
兵道馮其批仰徽州府查照均派逮定歸一數自報
奪蒙與本府遵依原奉

明文除會計額辦錢糧外將均徭歲辦寺項雜差眼同
六縣吏書逐一磨算若遵前院歐陽折丁之例歛
係以三丁准一石設祀點續以五丁准一石則歛縣
實多均平銀二千五百九兩有奇若六縣通以五丁
准一石則歛縣實多均平銀二千五百三十有奇今
奉

明旨查議均豁 院道欲以均平之中量為調劑蓋謂均
平錢糧逐時增減非歲額可比故令職寺集思畢議
正六邑更新之日也職寺查得歛縣除會計係脩已
羨五邑八千金况附郭之邑時有藝外之征若因前
項丁石通以五丁為例則折筭已多恐四縣之力有
所不堪仍以三五起科則歛差繁重恐首邑之民終
稱偏累相應於中酌處於歛邑均平之內量減銀二
千以蘇其役但以五邑丁石會筭則歛邑所減俱應
加入黠積二縣此三縣者於本郡為最下邑勢難尽
加且五邑以係脩之派不平歛縣而今以均平之減

盡歸于黠績非惟二邑之力不可支亦非五邑人心
之所忍也合無卽二千之數量攤五邑休寧生齒繁
衍多四方之業量加銀六百五十兩婺源稍有山林
之利量加銀五百兩祁黟稍有耕壤祁較賤又稍饒
量加銀三百五十兩黟縣三百兩績溪山皆量不產
草木鮮蓋蔽之家並加銀二百兩是在休婺祁雖稍
有所加然其所代者乃黠績也非歙縣也摠計六邑
之差蓋已多寡適宜小大有差矣然五邑縱有所加
其視歙之會計絲綸尤相什百於情順於理安矣一
以遵奉近

旨布公平之體一以遵照前

旨示

朝廷之法面相諫確委為長便或者曰縣縮歸歛縣不
朝三暮四歛職等曰此正額之數按其籍而執守之
制乃一不然五縣終有詞而歛縣為多事矣或又曰
均平攤五縣不辭名獲實歛職等曰此歲編之數因
其偏而衰益之政乃通不然歛邑之積困靡伸而五
邑之刀風益熾矣各無異詞合行呈乞施行

萬曆五年十二月

京都院再訪蒙右憲牌

為愚民不堪更派苛事賒得綵綰一事本院行牌不下十數次矣該府不速報該道不轉呈違

明旨而長亂緒此殊不可曉也錢糧何難重在首惡頃所招問特賣葉傭耳豈能倡言鼓衆耶相應嚴催查究為此牌仰本府官吏即將綵綰查議均豁數目并首惡姓名限五日內究明問報如正月初十日申文不到先提首領官重究各縣知縣觀望依違不著實遵行者該府指名申叅該府如再故違本院定行叅論此奉

欽依緊切見今考成事理嚴速嚴速

萬曆五年十二月三十日

一本府回無豪右申文

徽州府為愚民不堪更派等事萬曆五年十二月三十日抄奉都院胡憲牌前事內開照得緣緒一事云云嚴速等因到府奉此案照均豁錢糧數目一節已于萬曆五年十二月二十一日具由牒呈兵部馮副使轉詳未示今奉牌行查究倡亂首惡姓名隨即脩行休發二縣掌印官嚴行查究外尤恐初照續三縣水民彼時亦有乘機影附之徒并經通行查究

去後續據休婺二縣俱稱本縣所屬人民素守禮法
近因加派絲絹衆心不堪及蒙道府按臨邊道控
訴並無倡亂之跡實無生使之仄其中有惡少汪士
保程時鵬蘇容等因見當日人衆遂乘機鼓譟樹旗
搆黨誑法紀所難容者已蒙院道訪實嚴拿庶民
知警安業已久今奉前因本縣復多方挨訪委果止
係前拿人犯並無豪右之人主使無憑開報又據初
縣續三縣俱稱本縣人民素稱醇朴亦無豪強首惡
之輩無憑開報各具甘結俚由申府據此案照先奉
本院憲牌為督撫地方事內開該府休婺二縣近為

改派縣緝擁衆挾申本院行府已將首事數人拿問其餘出示免究外蓋指小民言耳衣冠之類不可不懲所據倡亂生員吳大江等六名通應拿問本府遵將休寧縣倡亂生員吳大江葉挺葉文炳及婺源縣倡亂生員程任卿程文烈何似黃嚴拿監禁并先獲犯人汪時程文昌帥加謾等究問具招呈解兵備道蒙本道看得各犯認罪無詞但脅泛固宜罔治而渠魁恐或倖免覆行仰安池太三府掌印官復審確實詳報隨經安池太三府掌印官會同本府逐一再三會審得各犯供稱爲首倡亂是的委無豪右官宦在

內寺情於萬曆五年十二月初四日呈覆本道轉詳
本院訖今奉 憲牌查究前因行據各縣嚴查結申
到卷照得本府所屬山川峭激人民負氣得於天性
向以絲絹之派五邑謂非出自

上意藉口鄉之士夫雖婦女稚子皆抱不平實非有主
者以使之也程倅卿江時等諸犯或以衣冠右族或
以喇虎市棍見人心之憤恚欲以倖亂射利造為飛
語乘機煽惑以致農桑之夫不謀同聲故攘臂一呼
從者如雲起一朝之忿非絲指示之謀今數犯遵奉
憲牌究擬如律倡亂渠魁已無漏網其神惡績無縣

今既真跡屢行告罄即無迫換情由節經查訪亦無
鼓譟跡亦據各紳結委非畏死不娶恰無俯照原奉
人犯並罪彰法其餘姑免再究原奉嚴查首惡事理
為此各將前項緣由開具書冊申達伏乞詳奪施行
萬曆癸卯年正月初八日申

一奉都院吊取各邑認狀憑牌

徽州府為愚民不堪更派寺事照乘 兵道馮

批行太平等府會議絲綃事情隨經各府會議得絲
綃銀兩係奉 部派額制難以更改仍歸歙縣其府
派歲辦錢糧歙縣多銀二千六百有奇相應於內量
減二千均攤五縣具由呈蒙本道批行仰府查照均
派速定歸一數目報奪等因到府已經具數呈蒙轉
詳今奉 撫院斟酌縣分大小量加均攤行府取各
認狀繳報奉此擬合就行為此仰本縣掌印官即照
後開攤派錢糧數目限文到日即便取具印信認狀

一、樣三本，具由轉府以憑轉達，施行。

計開

休寧縣量加銀六百五十兩

婺源縣量加銀五百兩

祁門縣量加銀五百五十兩

黟縣量加銀三百兩

績溪縣量加銀二百兩

萬曆六年正月十七日